

Կ Ա Պ Բ Ռ Ն Ո Ղ Ը

Յուզիսի սկզբներին Կաթնաշէն գիւղը մեռելային կերպարանք է ստանում. փողոցներում բացի հաւիցձիւից ուրիշ ոչ մի կենդանի արարած չի երևում. կանայք շուքի տակ բաշուած գործում են կամ մանում, իսկ երեխաները շողանում են գետի մէջ: Ամեն ինչ խղյս է տալիս արեգակի պարող ճառագայթներից, ամեն ինչ օթեան է փնտռում փոքր ինչ զովանալու համար: Գիւղում աղամարդ չի երեւում: Ղրկունց պատի տակի շուքում միայն շարուած են մի բանի անգործ ծերունիներ, որոնք սովորաբար խօսում են վերջին հեղեղների կամ բաղաբից ստացուած նոր լուրերի մասին:

Գիւղը դատարկ է. գիւղում «փափախաւոր» չի երևում:
—Ո՞ւր է ձեր աղամարդը,— կը հարցնես մի ուր և իցէ Մարիամ աբօր:

—Սարին է,— կը լինի նրա պատասխանը,— ինչ ես հարցնում. մի՞թէ այսօրուայ օրը աղամարդը տանը կը նըստի,— կաւելացնի նա:

Եւ իրաւ գիւղացին տարուայ այդ միջոցին «հարամ» կը համարի իր կերածը, եթէ պարապ տանը նստի: Նա դուրս է գալիս դաշար. նրա գործունէութեան անպարէզը այդ ժամանակ տանից դուրս հեռու դաշտումը կամ սարին է:

Ամբողջ գիւղը բարձրանում է կանաչազարդ լեռները, սարը. այնտեղ խոտի հունձ է: Իւրաքանչիւր գիւղացի շտապում է հայթայթել իր «աչքի լիս» ու հաւատարիմ ընկեր անասունի ամբողջ տարուայ ապրուստը:

Անցնենք սարը:

Այստեղ ասեղ գցելու տեղ չը կայ. գիւղի թէ մեծ, թէ փոքր իրանց բեռնակիր ձիաների ու շորիների հետ միասին այստեղ են ժողովուած: Վերջիններիս բաղամթիւ երամ-

ները ծածկել են լայնածաւալ արօտատեղերը: Սրանց խըր-
խնջոցը, միանալով հարիւրաւոր գեղջուկների բարձրաձայն
աղաղակների հետ, ականջ է խլացնում: Գիւղացիները, գե-
րանդիներով զինաւորուած, այս ու այն բլուրի գլխին
խմբուած, տաք վիճաբանութիւններ են բանում իրար մէջ
խոտի բաժանման մասին: Աւելորդ է ասել, որ նրանց վի-
ճաբանութիւնները համեմուտ են ամենընտիր յիշոցներով:
Պատահում է, որ միմեանց վրայ գերանդի են բարձրացնում,
բայց դրա հետևանքը հեռու չի անցնում: Յիշոցները գըլ-
խաւորապէս ուղղուած են լինում խոտերը բաժանողի հաս-
ցէին: Աերջինս խոտի հնձից մի շաբաթ առաջ «ընտրուում»
է ամբողջ համայնքից, — ընտրողները իսկապէս տանուտէրն
ու մի քանի աղսախկալներ են լինում, — ու մի որ և է գրա-
գէտի ուղեկցութեամբ գնում է սարը խոտատեղերը գիւղի
ձխերի մէջ բաժանելու: Սարի այն մասը, որը յատկացրած
է լինում խոտերին և որն անարատ է մնում մինչև խոտի
հունձը, բաժանուում է մի քանի գլխաւոր մասերի: Բաժին-
ների թուին համեմատ կազմուում են բաժանաթղթեր, որոնց
մէջ որոշուում են իւրաքանչիւր բաժնի սահմաններն ու տա-
րածութիւնը: Բաժանաթղթերի թուի համեմատ կազմուում
են ծխերի, այսինքն աների, ցուցակներ ու այդպիսով իւ-
րաքանչիւր խոտաբաժին ընկնում է տասը կամ քսան տան: Ա-
երջիններս կամ միասին հնձում են խոտը ու հնձածը բա-
ժանում, կամ բաժանում են իրար մէջ ընդհանուր խոտաբա-
ժինը ու առանձին հնձում: Ընդհանուր բաժինները վիճակ
են գցուում աների մէջ, կամ թէ, ինչպէս գիւղացիներն են
ասում, ծեղ են գցուում, այդ պատճառով էլ բաժանաթուղ-
թը կոչուում է «ծեղ»:

Վաթնաշէնում խոտերի բաժանող համարեա ամեն տա-
րի սովորաբար ընտրուում է Սևուանց Եղին: Սրան ի պատիւ
ծերութեան բոլորն էլ Եղի ամի են ասում: Գիւղացիները
թէև մի առանձին համակրանք չեն զգում դէպի նա, բայց
այնուամենայնիւ էլ գործ չի լինում, որ Եղի ամու ձեռքովը
չանցնի, էլ բան չի մնում, որ նրա մասը խառը չը լինի
մէջը: Պրիստաւ կամ գաւառապետ եկած ժամանակ Եղի ա-
մին է գիւղացիներին ապարզ երես անում՝ աղի առաջին շը-
նորհիւ իւր ճարտարախօսութեան, մի որ և է խաթա (աղէտ)

է պատահում, Եղի ամին է նրանց կապը բռնում ու ուղիղ ճանապարհ դուրս բերում: Շատ եռանդուն ու փորձուած «կապ բռնող»¹⁾ է Եղի ամին և հէնց շնորհիւ իր այդ փորձառութեան է կարողանում կաթնշէնցոց պէս ինքնագլուխ ու անհնազանդ մարդկանց կապը իր ձեռքում պահել միշտ: Խոտերը բաժանելիս Եղի ամին իրան մի առանձին ձանձուրութիւն չի պատճառում երբէք. նա այնքան փորձուած մարդ է այդ բանում, որ բոլորովին աւելորդ է համարում խոտաւեղերը շրջելու վատից ջոկելու համար: Սովորաբար բարձրանում է մի որ և է լեռան գագաթ, այնտեղից դիտում խոտերի ամբողջ տարածութիւնը ու որոշում բաժինների սահմանները: «Գրի, ադա», —ասում է նա գրագրին ու սկսում թելադրել բաժանաթղթերը, ծեղերը: Երբե՞նք պատահում է, որ գրագիրը մի որ և է իցէ նկատողութիւն էսնում Եղի ամուն, ասելով, որ այս ինչ բաժինը շատ փոքր է, կամ թէ այնտեղ խոտ բիչ կայ:

—Է՛, հա՛ երանի իմ էս կատարիս, որ դու պտես ինձ խելք սովրեցնիլ, —պատասխանում է նրան արհամարհանքով Եղի ամին, —դու գրի, ինչ որ ես ասում եմ, բո բանը ղալամի²⁾ ճամուցն է: Երէկ-մէկէլ օրը դու այսքան փոքր երեխայ էիր, հիմա մի-երկու այիւր-բէն ես սովորել, գիտես, թէ մեծ մարդ ես դարձել, որ իմ խելքի կտրածին հաւան չես կենում:

—Եղի ամի, ահր անցեալ տարի այդ բաժինը մեզ ընկաւ, խոտ չի կար, բոլորովին մաղբուն ճացիք³⁾: Հիմա էլ մի որ և է իցէ խելքի կընկնի, ճարը կտրած խոտ բաժանողին ուշուց կը տայ: Մեծ մարդ ես, արի այդպէս մի անիւր. հոգիդ խելք ա, այսօր-վաղը մեռնելու ես, հէնց արա, որ քեզ ողորմի ասող լինի: Եկ ինձ լսիր, այն երևացող ձորամէջն էլ այդ բաժնի հետ գցիր. այնտեղ լաւ խոտ կայ. այնցեալ շաբաթ ես ինքս այնտեղ եղել եմ ու բոլոր խոտերը լաւ զննել:

—Ձէնդ կորի, խէվ հարամ զադա⁴⁾. գնա այդ քո

¹⁾ Հասարակական գործիչ, ղեկավար:

²⁾ Գրչի:

³⁾ Զրկուեցիք:

⁴⁾ Յիմարի որդի:

վարժապետին սովորացրու: Դէ՛ Տէր-Պետրոս, եկ ամեն օր մեզ եխճուճը¹⁾ բարող սուր, —ասում է նա ինքն իրան, — թէ շիօլ բաց արէք, վարժապետ բերել տուէք: Երէցին լըսում ենք, շիօլ բաց անում, վարժապետ բերել տալի, ջա՛հիլ-ջհուլը գնում է այիբ-բէնի հոան առնում ու գալի մեզ խելք սովորացնում: Ահր ըսհէնց բան կը լինի, երկիր-աշխարհ ըսհէնց բան տեսել ա՛: Սրա չափ վախտս (ցոյց է տալիս նա դէպի գրագիրը) ո՞վ կը համարձակուէր իրանից մեծին տակ, թէ աչքիդ վերեն ունք կայ: Ինչ հողը գլխիդ տաս, որ հիմա բոլորն էլ Տէր-Պետրոսի խօսքովն են բան բռնում ու իրանց տներն իրանց ձեռքով բանդում: Գրի, ադա, գրի, — դառնում է նա դէպի գրագիրը, — բեզ ինչ ասեմ. դու մեղաւոր չես: Աստուած Տէր-Պետրոսի ու քո վարժապետի տները քանդի. գրի, — կրկնում է Եղի ամին ու բըռնութիւն ախորժակով վեր ծծում:

— Եղի ամի, հիմա ինչ որ է, այդ թող իրան կենայ. աւի՛ այս մի բանուճն ինձ լսիր, ձորամէջը այս բաժնի հետ գցի: Խեղճ ա դորա տէրը, նա էլ բեզ պէս թագաւորին հարկ ա տալիս, նա էլ բեզ պէս առանց հայվան²⁾ ապրել չի կարող, նրան էլ հարկաւոր է խոտ:

— Ադա՛, ա թուրքի հանք, ահր բաւական է, ինչքան զահէս տարար, տակը մին կը լինի, երկու կը լինի. հոգիս թող հանգիստ իր տեղը կենայ, ինձ մեղքի տակ մի գցի՛ր, Վարդավառին պիտի հաղորդուեմ, ա՛ քո . . . Տէր, մեղայ բեզ Աստուած, բերանս ինչ ա գալիս . . . :

— Ահր ձորամէջն ինչու ես ղրաղ³⁾ դնում, պատճառն ինչ ա, միթէ նա գիւղին չի պատկանում, — տաքանում է գրագիրը, Եղի ամուց իր մօր հասցէին մի ոչ այնքան դիւրեկան հաճոյախօսութիւն լսելով, — ինչու համար ես ուզում դու այդ ձորամէջը ուրիշ բաժնի վրայ դնել, բանի որ նա այդ բաժնին է կպած:

— Ձորամէջը ոչ մի բաժնի վրայ չեմ դնում, — պատասխանում է համբերութիւնը հասած Եղի ամին, — այդ ըն-

¹⁾ Եկեղեցում:

²⁾ Անտուն:

³⁾ Մի կողմ:

Տէնց իմ յօժար կամբով շքաղ եմ դնում միայն Սարգիս-բե-
գի ու ստարշինի ¹⁾ համար: Շինիս աչբը, լյսն ու զար-
դարանքը նրանք են, ա՛ որդի. պէտք ա մեծից սկսած մինչև
փոքր ամեն բանում նրանց շահենք, նրանց խաթրն առնենք:
Դու ղեռ երէկ-մէկէլ օրուայ երեխան ես, ղեռ քեօրփա ²⁾
ու ջահիլ ես, սեն ու սպիտակը ղեռ իրարից չես ջնկում.
Դու ինչպէս կարող ես իմանալ այդ մարդկանց զարբը ³⁾:
Քո վարժապետը թող գայ ղեռ առաջ ինձանից դաս առ-
նի ու յետոյ ձեզ բէն-այիւ-բա, բէն-եչ-բէ սովրեցնի:

Խեղճ գրագիրը, լսելով Եղի ամուտուած անունները,
երկիւղածութեամբ կծում է պռօջը ու կրկին շարունակում
սուս ու փուս ճճմուացնել՝ գրիչը:

Բլուրններն աւելի ու աւելի են սևանում. գիւղից նոր
և նոր խմբեր են գալիս: Սարը կեանք ու կենդանութիւն է
ստանում. ուր դարձնես հայեացքդ, ամեն տեղ գիւղացիների
ստուար խմբեր կը նկատես: Մի տեղ շարունակում են տաք
վիճաբանութիւնները, մի ուրիշ տեղ կէտօրելու են ժողո-
վուել: Սրանցից որը քնած է, որը գերանդին է սարբում,
սրում, որը Եղի ամուն է բամբասում: Խոտ հնձող ղեռ
ոչ մի տեղ չի երևում. հնձի առաջին օրը սովորաբար անց
է կենում այդ վիճաբանութիւնների, բամբասանքների, կամ
ըստ գիւղացոց «ղոբոցի» մէջ:

— Եարաբ ⁴⁾, մենք այդ քեօփակից ⁵⁾ ե՞րբ պէտք է
պրծնենք, — ասում է Բաղունց կարապետը, — շէնս դա բան-
դեց, բարուբանդ արաւ: Բա մենք խեղճ չենք, մեղք չենք,
մեզ Աստուած չի ստեղծել, մենք թագաւորի ընհաթ ⁶⁾
չենք: Ե՞րբ պտի շէնս այդ մարդակերների ճանկերից դուրս
գայ, ե՞րբ պտի մեր հացը հալալուիլ: Կալի հողումը խոտ
կայ, որ այնտեղը Սևունց Եղին տասնութ տան է տուել,
թէ գնացէք, հնձեցէք: Ահր ես ընտեղ ինչ հնձեմ, ուր մի

¹⁾ Յանուաերի:

²⁾ Կաթնակեր:

³⁾ Պատիւ:

⁴⁾ Արդեօք:

⁵⁾ Երեքունուց:

⁶⁾ Հարկատու հպատակ:

ծեղ, մի չոփ չես գանիլ, թէ աչքդ կոխես: Ը՛սհէնց բան կը լինի, ա՛ խալիսը (ժողովուրդ), ըսհէնց օյին ու մասխարութիւն կը լինի: Կալի հողը ե՞րբ է ղուրուղչի ¹⁾ երես տեսել: Զատկիցն սկսած մինչև օրս այնտեղ Սարգիս-բէգի ոչխարներն ու ձիաներն են արածելիս ըլել, իսկ հիմա Սեւունց Եղին Յուրա աղբրի ձորամէջի կատաղած խոտերը նըրան ու ստարշինին է տուել ու ինձ տամնութ տան հետ ուղարկել Կալի հողը, թէ՛ Կարապետ, գնա՛ ընտեղ խոտ հնձի: Ահր Կարապետը բեղ թաղի, Սևոնց՝ Եղի, Կալի հողումը խոտ կայ, որ նա գնայ հնձի՞. մարդ անաստուած կը լինի, այդքան էլ կը լինի: Չեմ իմանում այդ քեօփակին ով ա վաքիլ ²⁾ շոկում, թէ՛ գնա՛ խոտերը բաժանի: Էսօր քսան—երեսուն տարի է, ինչ աչքս բաց եմ արել. ամեն տարի այս բանը դրա ձեռքովն է անց կենում ու ամեն տարի միջի մաղբունը ինձ պէս բեասիրն ³⁾ է մնում:

— Ո՞նց թա ով ա դրան շոկում, մի՞թէ չես իմանում, — խօսում է Վարանանց Թունին:— Երբ մենք դէս ու դէն ցըրուած ամենքս մեր քեասիրութիւնին ենք գնում, Սարգիս-բէգն ու ստարշինը Եղինն աչքով-ուշքով են անում ու դէպի սարը ճանապարհ գցում. յետոյ մի բանի իրանց իմացած մարդկանց ասում են, թէ Սևունց Եղինն ուղարկել ենք սարը խոտերը բաժանելու: Այդ մարդիկն էլ, որոնք սաղ տարին շինիս մեծերի չորս կողմն են շուռ գալիս, ասում են. «չաա լաւ էք արել. Եղին է, որ խոտերի ժամանակ կարգ, կանոն է պահպանում. եթէ նա չը լինի, իւրաքանչիւր տարի արիւնհեղութիւն կը պատահի սարին»: Եւ այդպիսով Եղին դառնում մարող շինի վաքիլ, հասարակի ⁴⁾ կողմից ընտրուած ու յետոյ իր խելքի կտրածն է անում. այդպիսով Սևունց Եղին մեզ էլ շինած, մեր կապը միշտ իր ձեռքումն է պահում:

— Դրուսա ես ասում, ա՛ Թուն, դրուսա, — մէջ է մըտնում Խալիփանց Դաւիթը, — շինիս ո՞ր բանը չի ընդհանց

¹⁾ Խոտերի պահպան:

²⁾ Լիազոր:

³⁾ Աղքատ:

⁴⁾ Հասարակութեան, համայնքի:

անցնում: Որ մեծակ խոտերի բաժանելը լինի, դա գլուխը բարը, եօլա կը գնայ. թէ խոտ, թէ հանդ, —ամեն բան այդ մարդկանց ձեռովն է անցկենում, իսկ մեջ տեղը մեր տունն է բանդում, մենք ենք զրկում, կուժն ու կուլէն վերջը մեր գլխին է կոտրում: Ի՞նչ անես, ձեռուքդ ի՞նչ է գալիս. ոչ գիր ենք գիտում, ոչ ղալամ. հայվան մարդիկ ենք: Որ շլապկաւորի հետ խօսում ենք, ձեռաց 1) զակօնից ու մեծաւորից է խաբար տալիս ու աչքերնիս կապում: Ըիհիս սուղիերն ու իշխաններն էլ հօ մեր միսն է մնացել, որ ուտեն. էլի մեղայ շլապկաւորներին, ոչ մեղայ դրանց: Սովի տարին ամբողջ երկու ամիս տանով-տեղով չարչարուեցի, շան օր, շան հալ բաշեցի, Լալուկ բարի գլխին մի հող խըմհատ 2) արի ու վարեցի: Առաջի տարին այնքան էլ չեկաւ, բայց երկրորդ տարին հողս կատաղեց. էն տարին իմ տունը համարեա թէ նա պահեց: Էս որ տեսաւ Շարմաղանց Ստեփանը, ատամները սրեց: Ինքը սուղիա լինելով, ստարշինի հետ խօսքը մին արաւ ու մի կիրակի օր եկե՛ծի դռանը յայտնեց խալխին, թէ Խալփանց Դաւթի Լալուկ բարի գլխի հողն էլ պէտք ա ուրիշ վարելահողերի հետ բաժին դնուի ու ծեղ գցուի. ում որ ընկնի, թող նա գնայ վարի: — Ադա՛, Ստեփան, այդ ո՞նց հող ա, որ դու ուզում ես բաժին դրնել, —ասացի ես, — ո՞վ է ինձանից առաջ այնտեղ վարարել, ո՞վ է սերմ գցել: Անվերի բօլ 3) ա ըլել, ես եմ խմհատ արել. տանով — տեղով, սոված-ծարաւ արին բրտինք եմ թափել վրան, իսկ հիմա դու ուզում ես ձեռքիցս խել: Բա քեզ Աստուած չունե՛ս, խեղճ չեն իմ խիղանը 4), էս եխծէն էլա վախում չե՛ս: — Ո՞վ ա ասում խմհատ ես արել, ո՞ւմ գլուխ ես ուզում կապել, — պատասխանեց Ստեփանը, — երկու բար ես դէն ձգել ու մի արմատ պոկել — խմհատ ես

1) Իսկիցն:

2) Խմհատ անել՝ կը նշանակի հողը մաքրել թփերից, արմատներից ու այգալիսով պիտանի դարձնել վարելու համար: Խմհատը մնում է միշտ տիրոջ սեպհականութիւն ու երբէք ուրիշ համայնական վարելահողերի հետ բաժին չի դնում:

3) Վայրենի անտառ:

4) Երեխաները:

արե՛լ: Որ ըսէնց ան, ես էլ կը գնամ Չոփուրանց երկու-
 թևի ¹⁾ հաշա-կաղնին պոկեմ ու հողը վարեմ և յետոյ
 ստեմ, թէ նա իմ խմհասն ա, թող չեմ անիլ, որ հասա-
 րակի հողերի հետ բաժին դնուիս: Խալիսը ծիծաղեց: Ստե-
 փանը ինքնաբաւականութեամբ դարձաւ դէպի գրագիրը, ա-
 սելով. «այն, գրի՛, գրի՛ Խալիանց Գաւթի Լալուկ քարի
 գլխի հողը» — Ի՛նչ, — հարցրեց գրագիրը, — հողը, թէ խըմ-
 հասը: — Հողը, — պատասխանեց բարկութեամբ Ստեփանը, —
 խուլ ե՛ր, լսեցիր ոչ, որ ասացինք, թէ նա ընտեղ խմհաս
 չի արե՛լ: Գրագիրը գրեց սուղիի ասածը: Մի շաբթից յե-
 աղ Սևունց Եղին բարձրացաւ սարը հողերը բաժանելու.
 ծեղ գցեց, — Աստուած ինքն այն ծեղ համարի, — ու խըմ-
 հասս ընկաւ Շարմաղանց Ստեփանին: Էս օր թամամ երեք
 ասրի ա, ինչ նա խմհասս վարում ա, ինչ նրա հացն ա
 ուտում: Իսկ ես փափախս աչքերս գցած, ձեռս ծոցումս
 դրած ամեն կիրակի գնում եմ եխծի դռանը կանգնում, թէ
 տեսնեմ երբ է Սևունց Եղին հողերը բաժանելու և ինձ
 ինչ բաժին է տալու, որ գնամ վարեմ:

— Սևունց Եղին... Աստուած Սևունց Եղիի տունը
 բանդի, — խօսում է կրկին Բաղունց Կարապետը, — այդ բե-
 փակը որ Աստուածանից չը վախի, մեղի ետիր ²⁾ կը ասնի,
 դուք ի՛նչ էք գիտում: Լաւ դա ու Տէր-Մսէսանց Մինասը
 չէին, որ կուռի ասրին Աւագանց Մաթոսի թևի տակը մը-
 տած ուզում էին նրան իր եղբորտանցով բէգութիւն տան,
 շինիս վրայ աէր շինին:

— Կարապետ, դու լաւ կիմանաս, Մաթոսը դրանց ի՛նչ
 էր տուել, որ այդ բեփականները նրա համար այնքան ա-
 փերը պոկում էին ³⁾, — հարցնում է Արանանց Թունին:

— Անց թա ինչ էր տուել, խի գիտում չե՛ս: Մաթոսը
 ակոծիի սուղումը շուլլուղ ⁴⁾ էր անում, Եղին ու Մի-
 նասն էլ նազար-բէգի հետ տափի դաւի ⁵⁾ ունէին, Աստու-

¹⁾ Երկու թևի-երկու կողմից վարուող հող:

²⁾ Գերի:

³⁾ Աշխատում էին:

⁴⁾ Ծառայում էր:

⁵⁾ Աէն:

ծու օրն ակռօժնուամբ էին մթնացնում ու Մաթոսի տանը: Շէնս որ բանդէիր, ոչ Մինաս կը գանէիր, ոչ Եղի,—հարիրդա շհարներում ¹⁾ կորած էին լինում: Մաթոսը դրանցից կերաւ, կերաւ, յետոյ միտք արաւ՝ «այս մարդիկը շինի իշխաններ են, ինձ մօտ գործ ունին, սրանցով կարելի է մեծ բան ձեռք բերել»: Ասելն ու սկսելը մին արաւ. սկըսեց ինքը նրանց ուտացնել, խմացնել, նրանց համար մուհտայ ասովկատուութիւն անել ու ըսհէնց անելով մեր պարուն Մաթոսը կամաց-կամաց իր միտքը նրանց բաց արաւ: Թէև դժուար էր նրանց համար այդ բանը գլուխ բերել, բայց ճար չի կար, վիզ կալան: Էն տարին էլ հօ, ա՛ Թուն, շէնս կամիրան էին գրում, այդ դու գիտես:

—Բա, ոնց չեմ գիտում. էն որ հաչա-սախկալը եկաւ շէնս, սուգիաններին թակեց, ստարշինին տուն գցեց, Եղի-ղլաղեցի Հասան-բէգին բխովեց ²⁾ թա գող ա պահում:

—Հա՛, հա՛. ապրես, ըղորմի բո հօրը, հէնց էն տարին: Մեծաւորը երբ եկաւ աները գրելու, Եղին ու Մինասը, իբրև շինի իշխաններ, կանգնեցին, թէ Աւագանք տերաէրի թողներ են. նրանք պէտք ա ըսհաթի շարքէն հանուեն ու ազնուականների շարքումը գրուեն: Մեծաւորը, Աստուած նրա որդիքը պահի, մի լաւ, հալալ բրիտանեսայ մարդ էր, ասաց, որ միայն իշխանների խօսքով ես այդպիսի բան չեմ անիլ. թող գիւղացիք բոլորն էլ իրանցից մի պրիգօվօր ³⁾ տան, թէ իրանք համաձայն են նրանց բէգու-թեանը: Այս որ լսեց Մաթոսը, Եղիի ու Մինասի հետ միասին ընկաւ շէնս, որ ոնց որի ա պրիգօվօրը շինի Մինին խաբելով, միւսին մի զատ տալով, մէկալին վախեցնելով, Մաթոսը վերջապէս պրիգօվօրը շինեց:

—Խափե՛լ ես ասում, բաց թողնում,—ընդհատում է նրան Խալիանց Դաւիթը,—ինձ եկաւ ասեց. «Դաւիթ, թողթ ենք շինում առաջնորդին ուղարկենք, որ մեր շիօ-լի համար վարժապետ նշանակի. եկ սրան դու էլ ձեռք քաշի: Չեռքը քաշեցի, բայց մի շարթից յետոյ իմացայ

¹⁾ Բաղաբում:

²⁾ Շղթայակապ:

³⁾ Համախօսական:

բանն ինչու՞նք ա. գլուխ թակեցի, բայց էլ ինչ կարող էի անել:
 — Դէ էլ գլուխներդ ինչ ցաւացնեմ, — շարունակում է Կարապետը, — դուք ինքներդ էլ գիտէք, որ յետոյ Մաթոսը ուզեց մինչև անգամ շէնս իր վրայ հաստատի. ոնց մենք տանով, խիզանով գնացինք գբունատի ոտներն ընկանք, լաց եղանք, աղաչեցինք, պաղատեցինք, որ մեզ մի կերպ Մաթոսիցն ազատի: Ետնայ գբունատը ոնց մեր իշխաններին հաւաքեց, ուղարկեց քաղաք ¹⁾ սարդարի կուշտը, որ գոնեա նա մեզ մի ճար անի: Դէ էլի սարդարն ապրած կենայ, տեսաք, որ նա մեզ եսիրութիւնից ազատեց:

— Բա՛, Աստուած սարդարին հաստատ պահի իր թախտի վրայ. նա մեզ Մաթոսից թափեց, թէ չէ մենք հիմա վաղ էինք կորել, — պատասխանում է Գաւիթը:

— Էլի մեղայ Մաթոսին, — կրկին շարունակում է Կարապետը, — նրանից մի անգամից պրծանք, ականջնիս դինջացաւ, իսկ տեսնում էք, որ Սևունց եղին շարունակում է մեր աները քանդել ու մեր ծուխը կտրել: Սարին ինչքան խոտ կայ բոլորը մի բանի մարդակերերի ա տուել ու մեզ պէս բեասիբ-քսուբին զրկել. ըտհէնց ա անում և հոգերը բաժանելիս, և հանդը ծախելիս, իսկ մենք հայվանի պէս մնում ենք էն կողմին կանգնած: Հիմա էլ էս ա օրս մթնում ա. տեսնում էք նա լիս աշխարհ չի դուրս գալիս, թէ հետը խօսանք, մի բան մասլահաթ անենք. կորած ա, ով ա գիտում որ սև ատակի ա:

— Ո՞նց թա որ սև ատակի ա, — խօսում է Վտրանանց Թունին, — նա հիմա ստարշինի հետ միասին Սարգիս-բէգի ալաչուխում ոչխարի խորովածը գցած լաւ բէֆի վրայ ա: Նա որ այսօր եօթանասուն տարեկան պառաւ մարդ ա, շէնամիջից դուրս չի գալիս, հազար ու մի կեղտոտ բան ա բռնում ստարշինի ու շինի մեծերի խաթրն առնելու համար, հազար ու մի ուշուց ու ղէյբաթ ²⁾ ա լսում գիւղացոնց ահից, պատճառ նրա, որ պրիստաւ եկած ժամանակ ոչխարի համ ա տեսնում, սարին խոտերը կամ հոգերը բաժանելիս էլի ոչխար ա ճանգ գցում. կենդ-կէնդ էլ, եթէ

¹⁾ Թեֆլիս:

²⁾ Բամբասանք:

այդ ձեռուքը գալիս է, շէնամիջի բազի ¹⁾ և կուլ տալի ու այդպիսով պորաը հաստացնում, — մի խօսքով այդ մարդը միշտ իր մեռել-կենդանը բաշել և տալիս միայն լափել ու լակելու համար:

— Այ նա օձի միս լափի ու զահրումար լակի, բաւքի նրան սպանի հա՛, — զայրացած ասում է Դաւիթը:

— Հրէս էգուց ոնց որի և էստեղերը կերևայ, — շարունակում է Թունին, — որ շատ էստեղից, էստեղից սկսեցին նախատել, էլի կը սկսի ինքն իրան հայհոյել ու ասել, թէ մինչև մահս սհէ բանի էլ ես ձեռք չեմ տալ, իսկ եկող տարին մէկէլ տեսար Եղին կրկին սարը խոտ բաժանելու և եկել է՛ հա դրա որն ասեմ, որը խոստովանեմ. դա չէ՛ր որ մէկէլ տարին հազար ու մի փանդուփունդով սուտ պրի-գօվօր շինեց ու Պողոսանց Ջաքարին, որ ստարշին վախաը երեք հազար մանէթ շէնամիջի փող էր կերել, պրծացրեց: Դեռ վերջը, դուք ինքներդ էլ այդ լաւ գիտէք, որ Ջաքարը բիչ մնաց Եղիի գլուխը թակի, 13 մանէթ միայն ընկաւ այդ քեօփակի ճանկը: Ահր այդպիսի անասուածութիւն կը լինի. ես աղիս նոքար ²⁾ տամ, ինքս գնամ հեռու արանումը չոր բարին կրակ անեմ, փող աշխատեմ, որ յետոյ այդ արին քրտինքով աշխատած փողերը Պողոսանց Ջաքարը տանի իրա համար շհարումը ³⁾ աներ շինի, իսկ ես մնամ սոված էն ղոլին կանգնած: Ահր էդ Աստուած վեր կունի, էդ բոլորը Եղիի արարմունքը չի: Ադա՛, ադա՛, — դառնում է նա իր փոքրիկ աղային, — գնա՛ մի կուլէն աղբրից ջրով լցրու, բեր խմենք, ծարաւ մեռայ:

— Լաւ էդ խեղճ երեխին ո՛ւր ես սարը բերել, միթէ՛ դա բան անող ա, — նկատում է Դաւիթը Թունիին:

— Է՛, անըշինի մարդ, ինչ ես ասում, — պատասխանում է Թունին, — էս օր էն օրն ա, որ փեաին փալաօ են փաթաթում ու բանեցնում, նաքի թա երեխին ուր ես բերել: Միւս օրը վաղ առաւօտեան գիւղացիները մեծամասնութիւնը իր «ղբռոցը» վերջացրած սովորաբար սկսում է խո-

¹⁾ Փող:

²⁾ Ծառայ:

³⁾ Բազարում:

աի հունձը: Սարն այդ միջոցին մի առանձին կերպարանք է ստանում: Առաւօտեան արեգակը մի նոր կեանք ու կենդանութիւն է ներշնչում գործունեայ ու եռանդուն շինականին: Սար ու ձոր թնդացնում է նա իր երգերով, («Տաղով»): Նրա գերանդիի զենգոցն ու թրընփոցը («ամանն է») գնում: «Խալիս Ինգլիզ ա, Ինգլիզ, 1) սրա նանը մեռնի, — ասում է նա իր գերանդիի մասին ու շարունակում եռանդով շարժել իր հալալ աշխատանքի այդ անմեղ զէնքը: Թէ բլուր, թէ ձոր ծածկուած են աշխատաւորների բազմութեամբ: Մի սեղ երեք-չորս ջանաթաթախ ջահիլներ բաս մաած 2), թեւքերը մինչև արմուկները վեր բաշած, ոտքերն ամուր գեանին յենած ու միաշար կանգնած ամենայն արագութեամբ շարժում են գերանդիները մի աջ, մի ձախ ու ամեն մի շարժումով աշխարհ են սեղը նստացնում:»

— Նազար, հա՛, անունդ տափը չի գցես, հէրդ ու մէրդ 3) խեղճ են. նրանց ճարն ու իլլաջը դու ես, հէնց արա, որ Սողոմոնը առաջ չի ընկնի, — նկատում է նրանցից մինը իր ընկերին:

— Արա՛, ա Չաս, ի՞նչ ես ասում: Մգամ՝ նազարը ո՞նց ա մեռել, որ Սողոմոնը նրա առաջն ընկնի. էս փափախը գլխիս հարամ չի ըլիլ, որ ըստէ բան պատահի, — պատասխանում է հպարտութեամբ Նազարը, շարունակելով եռանդով շարժել գերանդիին: — Հ՛ր, հ՛ր, ե՛ ջան ե՛ քե մատաղ, Ինգլիզ, — անդադար կրկնում է նա:

— Նազար, հաւա մի վեր ունի 4), — նկատում է նրան Սողոմոնը, — Չասին քեզ աչքով-ունքով արաւ, ամա դա զատ չի շինիլ: Դու տղայ ես, մարդ ու մարդանայ հետս եկ: Բա իմ կերածը հարամ չի լինիլ, որ քեզ պէսը առաջ կարի:

— Է՛ս ա հրէս կերևայ, կերևա՛, ա՛ Սող, մէջ է մտնում Չասին, — դու ըստէնց պեծին-կրակին մի անիր: Դեռ նոր ենք սկսել, զոչաղ ես դուրուր գալիս. հրէս միսհաթից

1) Անգլիացու շէնք:

2) Բաս մանեկ—մրցել:

3) Հայրդ ու մայրդ:

4) Մի պարծենար:

ետը կերևայ, թէ ում մէր տղայ կը բերի: Նազար, Հա՛րսէ մատաղ Հա՛, Նազար, Ինգլիզիդ լաւ ածոց արա՛, Հա՛, աջան Հա՛, ըտհէնց, ապրես, — քաջալերում է նա Նազարին:

Ջահիլները շարունակում են եռանդով առաջ գնալ ու իրար «ըռել կրծել»: Արեգակը կամաց-կամաց բարձրանում է հորիզոնի վրայ, ձգելով իր ոսկեփայլ ճառագայթները դէպի կանաչազարդ հովիտներն ու մարգագետինները: Աերջիներս ծածկուած են առաւօտեան թանձր մառախուղով, որն արեգակի ազդեցութեան տակ, մաս-մաս կծկուելով, այս կողմն այն կողմն է անհետանում: Չորերի խորքերից երբեմն-երբեմն լսելի է լինում հովուի սրնգի կամ նախրչու պիտի ձայնը, որը, միախառնուելով հարիւրաւոր հնձողների աղաղակների ու երգեցողութեան հետ, լցնում է օդը սքանչելի մեղեդիով:

Քիլիսադարի 1) առուի ափին նստած է մեր ծանօթ Ատրանանց Թունին: Գերանդին մի կողմ ձգած, ոտաբոբիկ ու գլխաբաց, նա զբաղուած է տրեխ կարկատելով:

— Ա՛ թուն, հէ՛ ա թուն, Թունի, — կանչում է նրան ձորի միւս կողմից Բազունց կարապետը:

— Հէյ, Լ՛նչ կայ, խէր ըլի, — ձայն է ապիտ Թունին:

— Ո՛նց թա ինչ կայ, — հարցնում է նրան զարմացած կարապետը, — խի՞ ես ըտհէնց անմեղացել. մաջալ 2) ես գտել, որ նստել ես տրեխ կարկատում, էս օր որ օր օր ա: Ընկեր ես, դու էլ ինձ պէս բաժնիցը մաղբուն ես մնացել, եկ գնանք խոտ բաժանողի ետխիցը կախ լինենք, աչքը հանենք ու խոտ պոկենք նրանից: Բա չուա որ օր պտի նա մեր արինը ծծիլ, մենք խի իսան չենք:

— Արա՛, կարապետ, գիժ չես, պել չես, եկ ինձ լսիր, էդ շալմաղալէն հետու կաց: Սևունց Եղին մեզ խոտ չի տալ նհախ տեղայ մեր մեռելներն էլ քաշիլ կը տանք, էդ կը լինի մեր աշխատանքը:

— Ո՞վ ա ասում, թա մեռելները քաշիլ կը տանք. դու վեր կաց, չեմ-չեմ մի անի՛ր, տրեխներդ կեց: Էսօր որ ես արին չանեմ, մգամ սիրտս կը հովանայ, — պատասխանում է

1) Եկեղեցաձոր:

2) Ժամանակ:

բարկութեամբ կարապետը ու շարունակում շտապեցնել Թու-
նիին: Խեղճ Թունին ճարը կտրած արեխնները մի հանգա-
ռաներն է գցում ու կարապետի հետ ճանապարհ է ընկնում
դէպի Գեօլի զրաղը, որտեղ այդ առաւօտ լիս աշխարհ»
է դուրս եկել Սեուցն Եղին: Գեօլի զրաղին անբաւականնե-
րի մի մեծ խումբ շրջապատել է Եղի ամուսն: Աերջինս գըլ-
խաբաց, փափախը կոնատակին դրած, կաշուէ բռնոթամանը
ձեռքին վիթխարի սեան պէս կանգնած է նրանց մէջ: Բո-
լորն էլ ձգձգում են նրա շորերը, բոլորն էլ խոտ ու բա-
ժին են պահանջում: Խեղճ Եղի ամին էլ չի իմանում, որին
պատասխանի, որին «քարսաղի»¹⁾ անի. բայց նա այդպիսի
ղալմաղալներում այնքան փորձուած է, այնքան ընկած-դուրս
եկած մարդ է, որ ոչ թէ միայն գլուխ չի կորցնում, այլ
դեռ ըրուխ էլ է ճղում: Գիւղացիք տաքացած սաստիկ
բարձրաձէնում են, բայց Եղի ամին նրանց գերազանցում է:
Կարելի է ասել, որ նա շնորհիւ իր այդ ընդունակութեան
է այնպիսի նշանաւոր դեր խաղում կամենալէնցոց «չէնա-
միղի» գործերում: Նրա ձայնը անհամեմատ հեռու է գնում:
Հնձողները, հեռուից լսելով Եղի ամու որոտոցը, երբեմն
ասում են՝ «չոռ, չոռ ան Եղ, ըշտա երբ պիտի քո ձայնը
այս սարէն կտրուի»: Բայց, չը նայելով գիւղացոց այդ չոռ
ու ցաւին, իւրաքանչիւր տարի այդ ժամանակ Եղի ամու
հզօր ձայնը էլի իւր նախկին վեհութեամբ «դրմբում է»
Գեօլի զրաղին: Տարուայ ընթացքում Եղի ամին շէնամիջում
շատ է զալմաղալի ճանկ ընկնում, շատ է սրա, նրա հետ
«դաւի-դրաբայ» անում, բայց երբէք նա այնքան «բողաղ չի
ճղում», որքան խոտերի ժամանակ սարին:

— Ախպերք, դուք ինձանից ի՞նչ էք, — ասում է նա գիւ-
ղացիներին, — ես էլ ձեզ պէս մի ըռհաթ մարդ ըստեղ իմ
քեասիբութիւնին եմ եկել. գանգատ ունէք, գնացէք ձեր
ստարշիին ըրէք, ձեր սուգիին ասացէք: Եկել էք պկիս չո-
քել, ուզում էք հոգիս առնել. ես կամ ի՞նչ իրաւունքի
տէր եմ ես, որ ձեզ քարսաղի անեմ: Ոնց մեծը նշանց է
տալիս, ես ընհէնց եմ բան բռնում, ընհէնց եմ բաժին
անում: Մեծի խօսքէն դուրս չեմ գալիս. ստարշինն ասում

1) Բաւականութիւն տայ:

ա. ճա՛ Եղ, էս բանն էս հէնց արան, ես էլ վեր եմ ունում նրա ըսածին անում: Դէ հմի դուք ի՞նչ էք երեսս կտրել. ի՞նչ էք հոգիս բողաղս հաւքել:

— Հա՛ ես էդ անմեղ ջանիդ մատաղ, — հեգնութեամբ նկատում է նրան Բաղունց կարապետը, — մեծի խօսքան ես գնում: Լաւ մեծը քեզ թաղի, մեծը քեզ ասել ա, թա գընա՛ մոլոր խոտերը շէնամիջի ղուրդերին տուր ու խեղճ, անձար, անիլլալ ընհաթին մաղբուն արա՛: Խի՞ չես հանգին բան բռնում, խի՞ չես մեղ հետ էլ մասլահաթ անում:

— Ի՞նչ, ի՞նչ. քեզ հետ մասլահաթ անեմ, քեզ հե՛տ. շէնս խի բանդուել ա, էլ մարդ չի կա՛յ:

— Բա ո՛ւմ հետ անես. եկ ինձ հարցրու, գնա Խալփանց Գաւթին հարցրու: Էն խի բա խարջը վեր դնելիս լո՛խից առաջ՝ մեզ պէս քեասիբներին ես վեր դնում, պրիստաւ եկած ժամանակ զաղախին իր ձիով իմ տունս ես դոնաղ տալիս: Որ սովիստաւ բան բռնէիր, էսօր Սարգիս-բէգի թուրքերը խեղճ Գաւթին թակիլ-կտրատիլ չէին, նրա գլուխն ու շորերը պատռոտիլ չէին:

— Հա հլէ սպանած պտին, — պատասխանում է Եղի ամին, — նա խի ա գնում Յուրտ աղբրի ձորը, քանի որ ընտեղ բաժին չունի: Որ հախը հարցանես, նա իսկի մի ծեղ էլա չը պիտի ստանայ էս սարէն. նա քանի գլխանի ա, որ գնում ա Սարգիս-բէգի մարդկանց հետ հուջաթ ¹⁾ անո՛ւմ:

— Ո՞նց չի պիտի մի ծեղ էլա ստանալ, տնաքանդ, — երեսը արնաթաթախ ու պատռոտած շորերով առաջ է դուրս գալիս Խալփանց Գաւթի, — խի՞ ես թագաւորի ընհաթ չեմ, ես թագաւորին խարջ չեմ տալի՞: Ա՛ խալխը, — դառնում է նա գիւղացիներին, — բա էս Աստուած վեր կունի՞, էս տեսնուած ու լսուած բան ա՛, ձիւն ձմեռուանիս Յիրալօվի հանդին սոված-ծարաւ անծող եմ արել, վայ էս հալին քսան մանէթ սաղացրել ու խարջս տուել: Հեռու ամառ էլ էս բեօփակն ու ստարշինը եկան պկիս չորեցին, թա ըլիլ չի, որ պէտք ա հէնց հիմա խարջը տաս ու տաս. աղաչեցի պաղատեցի, որ մի քիչ ժամանակ տան, տեսնամ ինչ հողն եմ գլխիս տալի, — զատ չի դառաւ. ճարս կտրեց, իմ աչքի

¹⁾ Վիճում:

լիս Զէյրան կովը հէնց էս բեօփակի վրայ կիսագնով ծախեցի ու խարջս տուայ. հմի Սևունց Եղին ասում ա, թա դեռ սպանած պտին:

—Սպանած պտին մի տակաւը, մին գլխաւը,—կրկնում է գայրացած Եղի ամին,—ես քեզ Յուրտ աղբրի ձոր եմ նշանց տուել, որ գնցել էս ընտեղ խոտ հնձելու, հը:

—Բա ինչ ես արել, բա ինչ ես արել. էս ինչ ա,—ցոյց է տալիս նա Եղի ամուն ծեղը, բաժանաթուղթը,—էս ինչ ես ձեռիս դրել: Ծեղումը Յուրտ աղբրի ճանպի տակը մեր բաժնի վրայ ես դնում, ճանպի գլխի ձորամիջի կատարած խոտերը քո գիտացած մարդկանցը տալիս ու յետոյ նրանց սովընում, որ գան գլուխներս թակեն ու ճանպի տակն էլ ձեռներիցս խլեն:

—Սուտ ա, խաչաւաւետարանաւ որդիմ կուտեմ, որ սուտ ա. ճնպի տակն էլ, գլուխն էլ նրանց ա տուած, աչքերս կապիր մի,—ասում է Եղի ամին:

—Ո՞նց ա սուտ. ես չեմ գիր գիտում, տէր-Պետրոսի աղէն էլ չի գիտում, նա չի երէկ կշարներիս կարգաց: Դէ հմի էլ հազուր հրէս Արշակն ա ըստեղ, թող սա էլ կարգայ.—ասում է Դաւիթը, դուրս քաշելով խմբից Արշակին:

—Արշակ, կարգա՛, Արշակ, կարգա՛,—ձայն են տալիս այս ու այն կողմից գիւղացիները:

Արշակը վերցնում է բաժանաթուղթը. «Աղաջանի տափերը,—կարգում է նա,—Այթալէն, Փխակի աղբիւրը, Կէնդ-գումի ձորի բողազը, Հանէսի տղի խմհատը, Բարսեղի իւրդը, Վանունց ծրըհափան հողի նիւնիլի ըռեվելը, Գիբունց խմհատի դուրս գցիլի ըռեվելը, գէնը հարերգայ չուայ թրոսանց երկութևի ներքի եզնածիրը, Սերոբի կլատեղը ու ընտղա բոնած չուա Սահակի խոթարբը, Յուրտ աղբրի ճընպի տակը...»

—Ճնպի տակը, ճնպի տակը,—կրկնում են գիւղացիները, ընդհատելով Արշակի ընթերցանութիւնը: Բաղունց Կարապետը բարկացած մօտենում է Եղիին:

—Ա՛ բեօփակ, դու մեր տները խի՞ ես քանդում,—ասում է նա,—մեզ քսան տանով Կալի հողումն ես մաղբուն արել, ըստեղ էլ էս խեղձին երեսուն տան հետ ես գցել ու ոչ թա մենակ առանց խոտ թող արել, այլ դեռ

Թակիլ էլ սուելլ: Ծեղումը մի բան ես գրում, Սարգիս-բե-
գի Թուրքերին ուրիշ բան սովորացնում ու գալիս մեր կշտին
էլ դամմիշ ¹⁾ ըլում, Թա տեղովը սուտ ա. բա բեզ Աս-
սուլաժ չունիս, բա էն կապիտիցն ²⁾ էլա վախում չե՞ս:

— Ատա կապիտը քու գլխին փուլ գայ, — բարկացած
գոռում է Եղի ամին, — նա խի էր ճնպի տակը գնում, որ
Թակուհի էն եբայ աշխարհը դրանց բաժնումը, դա կարաց
ոչ ուրիշ տեղ վեր ունի՞:

— Ահր էն եբայ աշխարհը երեսուն տան ես սուելլ,
մենակ նրանը չի: Էլ ախիրը նրա պէս մի խեղճը ճնպի
տակը չը պիտի գնար, էլ ախիրը նրա պէս մի խեղճը Թա-
կուհի չի պտեր: Դաւիթը ոնց անի, որ դու Սարգիս բեգի
Թուրքերին ասում ես. «Ծեղումը ճնպի տակը նրանց եմ
սուելլ, ամա ով գայ, տաղ արած ³⁾ գլուխը Թակեցէք.
Յուրտ աղբրի ձորը հարերդա Սարգիս-բեգինն ու սաարլի-
նինն ա՞»:

— Ատա Թուրքերը դեռ քեզ էլ պտին Թակած, բեզ.
էդ ի՞նչ ես խօսում. ո՞ւմ վրայ ես ըռեխ բաց անում: Դեռ
եկ ձեռքս պաչի, որ քեզ Վալի հողն եմ ուղարկել:

— Ո՞ւմ ձեռ պաչեմ. քու ձե՞ռը: Դու ոչ ըլես, ոչ.
դու մեր շինէն իբի բաշը ¹⁾ վերանաս. քու անունը միան-
գամից Ասսուլաժանից կարուհի, քու:

— Ամէն, — վրայ են բերում գիւղացիները:

— Ամէն ցաւա գաք դուք, — բարկացած դառնում է
դէպի նրանց Եղի ամին, — դեռ ամէն էլ ասում էք. էդա ձեր
շորհակալութիւնը: Ես տարին բուժիւն ձեզ համար պրիս-
տաւի, նաչալիկի ու մրօվի սուգի դռներն ընկնեմ, գրոնա-

1) Ուրանում:

2) Երկնքից:

3) Սուս կացած:

1) Յաւիտեանս:

տի ու ակոսժնի սուղի առաջին չբչոք անեմ, յօգուա հասարակաց երբեմն գլուխս թակել տամ, ետնայ դուք ինձ ըահէնց էլ ասէ՞ք:

—Ա՛յ ոչ ընկնես, փուչ ընկնես,—խօսում է Վարանանց Թունին.—Խի՞ ես ընկնում, բեզ ով ա խնդրում, թասրանրա դռներն ընկի: Որ դու ըլես ոչ մեր շէնը կը դինջանայ, բեասիբի բեռը կը թեթևանայ. լաւ խեղճ ըռհասթի տունը դու չես բանդո՞ւմ, հը՞:

—Այ իմ խէվ խելքէն, իմ խէվ խելքէն, որ ձեզ հետի բաշբաշ եմ ըլում: Էս էլ մի զալաթ էր, որ այս տարի արի, Սարգիս բէգի ու սասարչիւի խաթրը չը կոտրեցի: Ես խի ձեզ հետի խոտ բաժանեմ, խի հանդ բաժանեմ, խի մեծաւորների դռներն ընկնեմ: Ախպերք, բոլ էր, հերիք էր. օր էս ետը դուք ձեր եարին ¹⁾ դարման արէք. հօ՛, հօ՛. ես էլ շէնամէջ չեմ կոխիլ, ետեսս իբի բաշը ձեզանից թափում եմ, ետխի,—ասում է Եղի ամին ու թքոտելով հեռանում գիւղացիներից:

Վերջիններս այս այն կողմն են ցրւում: Նրանք դարձեալ անբաւական են: Եղի ամու փառաւոր հրաժարականը նրանց չուրախացրեց. այդ խօսքերը Եղի ամուց նրանք առաջին անգամը չեն լսում: Եղի ամին տարուայ ընթացքում մի քանի անգամ թքոտում է ու զզուանքով «ետխի» անում, բայց էլի պրիստաւ եկած ժամանակը ձեռաց աղի առաջին բռնում է՝ իբրև շինի իշխան, ու այդպիսով միամիտ արեւաւորի կապը երբէք նրա ձեռքից չի ընկնում, էլի թէ խոտ, թէ հանդ Եղի ամու ձեռքովն է անց կենում, էլի ամին բանում նրա մասն խառն է լինում:

Օրը շաբաթ է: Գիւղացիներից շատերը վերջացրել են խոտի հունձը, շատերը դեռ կիսել էլ չեն, նայած Եղի ամին ում ինչ բաժին է տուել: Իրիկնադէմին սարի ճանապար-

¹⁾ Վէրբին:

Տը «ղլղլում է», թէ մեծ, թէ փոքր իրանց ճալուխ-չուլուխը» հաւաքած շտապում են առնն: Խոտ բարձած ձիաների ու ջորինների բարաւաններին վերջ չը կայ: Չը նայած որ դիւղացին միշտ մեծ սիրով ու խնամքով է վերաբերուում դէպի իւր ամենահաւատարիմ օգնականը, անասունը, բայց այդ օրը նա ուշ չէ դարձնում նրա ծանր բեռան, շտապեցնում է, ծեծում է մինչեւ անգամ խեղճին, որպէս զի «հրէտին ժամին վրայ հասնի, հրէտին Լուսաւորչի պատկերի առաջին լիս կայցնի¹⁾» ու հրէտին խաչ-աւետարան համբուրի:»

Օրհնելի սուե ²⁾ զառիվայրում ջորուն խոտ բարձած, գերանդին ուսին դբած, գլուխը բաշ գցած դանդաղ բայլերով գնում է ջորու ետեւից մեր ծանօթ Խալիանց Դաւիթը: Երբեմն-երբեմն միայն բարձրացնում է գլուխը, «թող» անում ջորուն ու կրկին, ընկղմուելով իր մտքերի մէջ, շարունակում լուռ ու մունջ բայլել: Նրա ետեւից ոչ այնքան հեռու մի փայտ ձեռքին, մի ինչ որ եղանակ շվշուացնելով, բոլորովին մենակ գնում տիրացու Արշակը. նկատելով Դաւիթին, նա աւելացնում է բայլերը:

— Բարի երեկոյ, Դաւիթ ամի, — ասում է Արշակը, հասնելով նրան:

— Այ՛ Աստուծու բարին բեզ, — պատասխանում է Դաւիթը:

— Էր խոտ շտա հնձեցի՞ր:

— Է՛, որտեղից հնձեցի, տնաշէն: Էն օրը հու դու ինքդ տեսար, ինչ հալի էի ես. ջարդուած, կտրատուած սաղ օրը էլ կարացի ոչ մասս բանի նի տամ: Էբսի օրը վայ էն հալին գնացի Այթալէն. էնտեղ սրա, նրա աղաչանք անելով կէնդ երկու բեռը խոտ հաւաքեցի:

1) Մոմ վառի:

2) Սեռ-լեռնազազաթ:

- Երկու բեռը, — հարցնում է զարմացմամբ Արշակը:
 — Երկու բեռը, հս'. մինն երէկի եմ տուն տարել,
 մինն էլ էս ա հմի եմ տանում:
 — Բա ձմեռս առանց խոտի էդ ո՞նց պտես անի՞լ:
 — Ոնց թա ո՞նց պտիմ անիլ. մի ջորի ունիմ, մնեւ մի
 կով. ընեւ Սևուկնց Եղին կիսագնով ծակել կը տայ ու ե-
 տես կը թափի նրանցից, ոնց պտեմ անիլ, ա՛քե մատաղ,
 — պատասխանում է Դաւիթը ու կրկին լուծեան մէջ ըն-
 կղմւում: — Թո՛ղ, թո՛ղ, — երբեմն միայն ձայն է տալիս նա:

Մտնիւան Անտիքեան.